



SEHA

Magazin SEHA lige

Broj:1 ■ Godina:1 ■ 8.7.2011.

South East Handball Association

Andrea Bašić: "Borba bi se trebala voditi između Bosne, Zagreba i Metalurga, gdje će odlučivati nijanse."



Tatran dobije zabranu igranja u SEHA ligi od EHF-a:

Trećeplasirani timovi iz Srbije, Hrvatske i Makedonije igraju baraž za Ligu

Predstavljamo klubove lige:



Pojačava se Vardar:

Veselin Vujović doveo Ratka Nikolića



Svi klubovi prve sezone Regionalne lige uveliko se pripremaju za narednu sezonu. Neki su već doveli dosta dobrih pojačanja. Jedno od najzvučnijih imena sigurno je srbijanski reprezentativac Ratko Nikolić, kojeg je doveo Vardar. Na pojačanje Vardara odmah je odgovorio gradski rival Metalurg. Lino Červar je doveo trojicu iskusnih rukometaša. To su Žarko Marković, Damir Batinović i Miladin Kozlina. Metalurg će imati dosta dobar tim za Regionalnu ligu, ali za Ligu prvaka, gdje igraju kvalifikacije.




Što se tiče bh. timova, Bosna je u pregovorima sa Andreom Bašićem. Borac planira dovesti Srđana Trivunđu i Branislava Obradovića.

Dovodili su i u Našicama. Iako je otišao Alen Blažević, došlo je dosta dobrih igrača. Došli su Josip Pivac, Ivan Slišković, Krešimir Kozina, Marin Vardović i Vedran Mataija.

Milorad Dodik podržao osnivanje
Regionalne lige

Dodik je snažno podržao nastojanja igrača i rukovodstva Rukometnog kluba "Borac" da postignu što bolje rezultate u ovoj ligi, što će doprinijeti, ne samo afirmaciji rukometa na ovim prostorima, nego i grada Banjaluke i RS-a, prenose nezavisne.com. Predsjednik RS naglasio je da je Borac klub duge i bogate tradicije, sa značajnim uspjesima na domaćoj i međunarodnoj sportskoj sceni i izrazio uvjerenje da će u narednom periodu uspjeti da se ponovo afirmiše u regionalnim i evropskim takmičenjima.



U saopštenju iz kabineta predsjednika RS navodi se da su prilikom današnjeg prijema predstavnici Borca upoznali

predsjednika RS-a sa situacijom i planovima ovog kluba, povodom predstojećeg učešća u Regionalnoj rukometnoj ligi.



Andrea Bašić, pivot Arene Jadrograd: Za osvajanje Lige će se boriti Bosna, Zagreb i Metalurg!

Andrea Bašić je pivot hrvatskog kluba Arena Jadrograd. Jedan je od najefikasnijih igrača ovog kluba u protekloj sezoni. On je u pregovorima sa sarajevskom Bosnom, pa nas je zanimalo šta on misli o Regionalnoj ligi, RK Bosni...

SEHA: Kruže glasine da ćete preći u Bosnu. Jeste li potpisali za ovaj tim?



Andrea Bašić: Nisam potpisao. Još smo u pregovorima, nadam se da će se brzo riješiti.

SEHA: Šta mislite o formiranju Regionalne lige?

Andrea Bašić: Što se tiče Regionalne lige, mislim da je super. Malo će biti naporno i bit će puno odricanja i truda, jer u našim ligama, kako u Hrvatskoj tako i u Bosni ima dvije do tri ekipe koje mogu parirati evropskim klubovima, a ove ostale su tu negdje. Zato je dobro igrati Regionalnu ligu kako bi mogli parirati evropskom klubskom rukometu.





SEHA:Ekipa Tatrana najvjerovatnije neće nastupati u Ligi.Umjesto Slovaka baraž za Ligu će igrati Bjelovar,Pelister i Kolubara.Ko bi od tih timova mogao ući u ligu?

Andrea Bašić:A iskreno ne znam.Da je Bjelovar ostao u istom sastavu kao što je bio u ovom dijelu prvenstva mišljenje moje je da bi se on kvalificirao,s tim da ne poznam ove ostale ekipe.



South East Handball Association

SEHA:Ko je najveći kandidat za osvajanje Regionalne lige?

Andrea Bašić: Borba bi se trebala voditi između Bosne,Zagreba i Metalurga,gdje će odlučivati nijanse.

SEHA:Da li bi bilo dobro kada bi se Regionalnoj ligi priključili timovi iz Slovenije ili pak Mađarske?

Andrea Bašić:Da,kako da ne,bila još jača i kvalitetnija!

Predstavljamo klubove Regionalne lige
u sezoni 2011/12: **RK Borac m:tel Banja Luka**



Rukometni klub Borac je rukometni klub iz Banja Luke osnovan 1950. godine. Dio su sportskog društva Borac iz Banja Luke i najuspješniji su bosanskohercegovački klub u historiji. Takmiči se u Premijer rukometnoj ligi Bosne i Hercegovine. Domaće utakmice igra u dvorani Borik. Hamdija Kadunić, profesor u srednjoj školi, je bio prvi koji je upoznao Banjalučane sa rukometnom igrom. Nedugo poslije, nekoliko sportstkih zaljubljenika na čelu sa Hamdijom Kadunićem osniva i prvi klub u Banja Luci koji je od 1950. nosio ime Željezničar, ali već 1952. pristupa Sportskom društvu Borac, tako da se i ime kluba mijenja u Borac.



Najveći uspjesi:

Šampioni SFRJ(7)

Osvajači Kupa SFRJ(10)

Prvaci Evrope(1)

EHF kup(1)

Šampioni RS-a(8)

Osvajači Kupa RS(10)

Osvajači Kupa BiH(2)



Tatran dobio zabranu od EHF-a

Obrat u SEHA ligi je nastao u slučaju slovačkog Tatrana iz Presova kome EHF nije dozvolio učešće zato što se ne graniči sa balkanskim državama koje u njemu učestvuju. Po EHF bi ako Tatran bude igrao to praktično bilo novo evropsko takmičenje i ne bi bila zaštićena sva ostala nadmetanja pod okriljem EHF. Miroslav Šošak, menadžer Tatrana, nazvao je cijelu situaciju smiješnom uz nadu da bi sve mogla riješiti Slovačka federacija. Ukoliko Tatran zaista ne bi mogao da igra ondabi broj timova bio 11 i liga bi se popunila tako što bi trećeplasirani timovi iz Hrvatske, Srbije i Makedonije (Bjelovar, Kolubara i Pelister) igrali turnir na neutralnom terenu za jedno upražnjeno mjesto.



Bjelovar, Kolubara i Pelister će igrati baraž

64 dana do početka Regionalne lige



SEHA

Posjetite našu novu stranicu:
www.regionalnaliga.weebly.com

Na stranici možete naći i
naš radio

South East Handball Association

Izdavanje ovog broja pomogli su:



promonte



 vitaminka

 hummel®



 VOLI

Sport plus
20  08
Tu smo zbog vas